


# आर्य कश्मीरी भजन



रचयिता:

मोहनलाल राजदान



Book Donated for  
**ASHRAM LIBRARY**

# अऽरचर

मोहनलाल राजदान

वैकुण्ठपुष्प पब्लिकेशन्ज  
53-B तीर्थनगर तलाब तिल्लो  
जम्मू-180002.  
दूरभाष-0191-505100



**प्रकाशक :**

वैकुण्ठपुष्प पब्लिकेशनज़  
53-B तीर्थनगर तलाब तिल्लो  
जम्मू-180002.

© इस पुस्तक का कोई भी अंश लेखक और  
प्रकाशक की अनुमति के बिना, कहीं भी मुद्रण न  
किया जाये।

**प्रथम संस्करण :** 2000

**मूल्य ₹ 35 =**

**कम्प्यूटर टंकण**

मनोज गुप्ता  
भारतीय लेखा तथा लेखा परीक्षा विभाग  
जम्मू-180001.

**मुद्रक :**

दुर्गा प्रिंटिंग प्रेस  
जानीपुर, जम्मू-180001.



## विषय सूची

क्रमांक	भजन	पृष्ठ संख्या
1.	हे भगवान	1
2.	हो हो करय	2
3.	हा दया वानय वलो	4
4.	द्वद हर की बरस प्याल	6
5.	वनान दी नाव दुर्गा	7
6.	पूजाय हंज दिम वाऽरी	8
7.	आशा वानन हन्दि आशो	10
8.	भजन कर राम रामय	11
9.	प्योमुत दुस ने कसय	12
10.	मा'ज गोमुत छुस मारय	14
11.	करतम पारम पा'रिये	15
12.	तारि गोमुत तार हां ज़निये	16
13.	यि मंगुन छुम मि दिम	18
14.	अख रूबाई बु	20
15.	थोद वो'थ मा शों'ग	21
16.	बाल प्रारस एशमुकाम	23
17.	मा'ज भवानी राजि रा'नी	24
18.	ओम मंज द्रामुत वेद चोन	26
19.	वनतय कोत सना गोम	28
20.	शिवोहम शिवोहम	29
21.	गंगाधर यितमो	31
22.	छुम तमन्ना कांह ति वुछहन	32
23.	करू सखरा घर गछुये	34

**प्रकाशक :**

वैकुण्ठपुष्प पब्लिकेशनज़  
53-B तीर्थनगर तलाब तिल्लो  
जम्मू-180002.

© इस पुस्तक का कोई भी अंश लेखक और  
प्रकाशक की अनुमति के बिना,कहीं भी मुद्रण न  
किया जाये ।

**प्रथम संस्करण :** 2000

**मूल्य ₹ 35 =**

**कम्प्यूटर टंकण**

मनोज गुप्ता  
भारतीय लेखा तथा लेखा परीक्षा विभाग  
जम्मू-180001.

**मुद्रक :**

दुर्गा प्रिंटिंग प्रेस  
जानीपुर, जम्मू-180001.

## विषय सूची

क्रमांक	भजन	पृष्ठ संख्या
1.	हे भगवान	1
2.	हो हो करय	2
3.	हा दया वानय वलो	4
4.	द्वद हर की बरस प्याल	6
5.	वनान दी नाव दुर्गा	7
6.	पूजाय हंज दिम वाऽरी	8
7.	आशा वानन हन्दि आशो	10
8.	भजन कर राम रामय	11
9.	प्योमुत दुस ने कसय	12
10.	मा'ज गोमुत छुस मारय	14
11.	करतम पारम पा'रिये	15
12.	तारि गोमुत तार हां ज़निये	16
13.	यि मंगुन छुम मि दिम	18
14.	अख रूबाई बु	20
15.	थोद वो'थ मा शों'ग	21
16.	बाल प्रारस एशमुकाम	23
17.	मा'ज भवानी राजि रा'नी	24
18.	ओम मंज द्रामुत वेद चोन	26
19.	वनतय कोत सना गोम	28
20.	शिवोहम शिवोहम	29
21.	गंगाधर यितमो	31
22.	छुम तमन्ना कांह ति वुछहन	32
23.	करू सखरा घर गछुये	34



24.	दोर दोरय रोज़िय नो	36
25.	युथ न गछियो मनहम	38
26.	कास अरसरय ज़नमन हन्दिय	39
27.	फरियाद बोज़खना	41
28.	म्यानि दयो च़ेय रोस कस वनय	42
29.	क़ेछा मे' यार लोलो	43
30.	मे ननिहे छुख मदद गारो	45
31.	मन छुम वनान सु वात्यम	47
32.	डेडि प्यठ करान इन्तिज़ार	48
33.	माजि ज़ामुत न्यथ नो'न	50
34.	मा'ज भवानी राज रा'नी	51
35.	लछि नावि गछि डनि	52
36.	बु छुस न्यशबो'द	54
37.	दुरगे मे' दुरगत कास	55
38.	बाल गोपाल लालो	57

## भजन 1

हे भगवान हे भगवान

दया करेत्तम हा दयावान

हे भगवान हे भगवान ॥०॥

सोदा चोनुई प्रथ दुकान

मेलि तस यस आसि चोनुई बाव

दु'ति छुस निरदन ब्यखया मंगान ॥०॥

म्यच पोन्थ नार बाद छुख बनावान

काम क्रुद लूब मुह छु सामानो

मायायि हुन्द मे ' छुम अबिमान ॥०॥

जलऽरि क्या जाल वून छुस अग्यान

माया जाल छुस फसावानो

यहोय गव संसार दिवान छुस बुँ तान ॥०॥

बुज्यर छुम नजदीक प्योमुत छुस पानु,

आलव कोन छुख बोजानो

ढख व्यन्य रोजतम हा दयावान ॥०॥

यावुन सूरुम छुस बुँ अनजान  
तावन्यनि बाजार म्वरवत गोम खाम  
प्वखत कार ज्ञान नावतम पनुन पान ॥०॥

मीम वाव हे नून क्या छु ताबान  
गट पछ तारकन मंज छु शोलान  
चयत के व्यमरश सूत्य छु दीप्तिमान ॥०॥



## भजन 2

हो हो करय- हो हो करय  
बाल कृष्ण सो'द शांत दो'द चूरय  
थावतम खटिथ मनि अन्दरय ॥०॥ हो हो ॥०॥

माऽल्य मा'ज्य रोछनम लोकचारय  
यावनस मंज गोस आवारय  
तिम चल्य तुँ सर गोम मर मरय ॥०॥

बूदमय संसार ग्रट अनवार  
माया जाल छम डहन बार बार  
चानि सच रोस अद कति बु दरय ॥०॥



छल कृथ वुछ क्या आश्चरय  
 लो'कचार अन्द गोम छुम बुजरय  
 नो'न गव संसार दो'ख कुय गरय ॥०॥

यावनस ओसुम अन्दकारय  
 बुजर न ह्यकनुक प्योम बारय  
 संकल्प विकल्प-च मे' थर थरय ॥०॥

रंग रंग रंग गोम हर रंगय  
 दो'ख त दाऽदय बूगिथ बुँ आस टंगय  
 अनुग्रह करतम हरी हरय ॥०॥

ग्यान रो'स ओ'न चानि आसरय  
 चराचर बोज आऽरचरय  
 ग्यान दिम त्युथ युथन लग बुँ दलय ॥०॥

मोहन चे' प्रारान बर तलय  
 वन्य छुय दिवान प्रथ तरफय  
 बर मुचरावतम व्यशमबरय ॥०॥



### भजन 3

मोकलाव मंज कऽदरवानय

हा दया वानय वलो

हा दयावान बगवानय ॥०॥ हा दयावानय ॥०॥

नाव छिय चे' आश तोश वनान

दवान छुख चुँ बोजानय

मे'ति रोज त व्यन्य महरबान ॥०॥

ड्येकि चन्द्रम चे' शूबान

वासुक जेबानय

दन्द छी म्बरवत दहान ॥०॥

चवपाऽर छुख फेरान

वृषबस प्यठ आसान

हालि दिल गछ त बोजान ॥०॥

ग्वन चा'न्य छस व्यचारान

च्यथ व्यमरश दीप्तिमानय

हृदय म्योन छु गूरयवान ॥०॥

यति ह्यथ सोर सामान  
 बेहत अथ्य मंज पान  
 आलवन थावतम ध्यान ॥०॥

यावुन आम सोरान  
 डख अथऽ रठतम पान  
 सफर म्योन कर त आसान ॥०॥

सारिनय छुख बोजान  
 मेय क्याजि रोशानय  
 दूरयर छुस न चालान ॥०॥

बर्य बर्य थाविमय बानुँ  
 मायि चानि जानानय  
 कथ बकार छुय मीजान ॥०॥

यच्च काल गोम प्रारान  
 चे' बगऽर रवोचानय  
 नारान नाग नारान ॥०॥

मीमस वाव हे वनान  
 नून छुय नारानय  
 बक्त्यन दुख तारान  
 म्यति तार तुँ बगवानय ॥०॥



## भजन 4

द्वद हर की बरस प्याल लोलो  
अज इयि मा'ऽज भवा'न्य साल' लोलो

यन्द्रय चूरव दिचहम सन  
व्यषयन प्यठ तम्बलोवहम मन  
शो 'मराव चठ मे ' जंजाल लोलो ॥०॥

काम क्रूद लूब मो'ह मद अहंकार  
यन्द्रय चूरन यिम छि टा'ठ्य यार  
ग्यान दृष्ट सूत्य यिमन गाल लोलो ॥०॥

कामनाय यावुन छु ओ'न गोमुत  
बो'ज अबाव किन्य छुस पथर प्योमुत  
बुद्धी हुन्द चोंग व्यन्य मे' जाल लोलो ॥०॥

छो'ट बोज संसार आ'खर मरून  
कठिन संसार किस सो'दरस तरून  
ह्यतम मंज नावि रखिपाल लोलो ॥०॥

छुम मे' यहोय अरमान दर दिल  
कर करि माऽज भवा'न्य हल मुशकिल  
मो'कलावि हेम यम्य जाल लोलो ॥०॥

मोहन छु रात द्यन यी नालान  
 युन गछुन ज्यो'न मरुन छुस न चालान  
 काल पाष चठ त्राव न्यराल लोलो ॥०॥



## भजन 5

### वनान छी नाव दर्गा

म्यच्च पोन्न्य नार हवा  
 बिहिथ मंज छु परमशिवा  
 सु जानुन छु क्रूठ बडा ॥०॥

पाछ प्राण पांचि स्वरवय  
 करूख लय बनि स्वरवय  
 शब्द बोज ओम् भू भुवः ॥०॥

यन्द्रय छि पाछ दपान  
 अहंकार आत्मा सान  
 बेयि छस मन ब्बदा ॥०॥

काम क्रूद लूभ मोह मद  
 गालन. चं यहाय अख छि व्यद  
 ईक सर ध्यान स्वरा ॥०॥

छो'च छु यि सोर संसार  
अथ प्यठ म व्यषवास थाव  
वननुक मे 'यी छुम मुदा ॥०॥

मीम वाव हे कर जुदा  
नून छु नो'न खुदा  
बरूस लोल बोजी सदा ॥०॥



**भजन 6**  
पूजायि हं'ज दिम मे' वाऽरी  
जाऽरी बोज रवना

जाम ना'ल्य छीय अना'री  
न्यथर ज़न छी पम्पोश  
शूबान क्या छि सो'रम टाऽरी ॥०॥

मुकट छुय चमकाऽरी  
दिव्य सो'नाऽर्य यि गो'रमुत  
ज'च क्या छि अथ टाकाऽरी ॥०॥



अज छि आऽठम आय साऽरी  
 नन वाऽरी गरि द्राय  
 आर क'त्य छि बेकराऽरी ॥०॥

सो'न्दर क्या छु चोन दरबार  
 यति याऽरी छि सपदान  
 अऽस्य थकिम'त प्रारि प्रारी ॥०॥

आश असि माऽज कास खाऽरी  
 विलजाऽरी छिय करान  
 अस्य दि करान दम शुमाऽरी ॥०॥

अस्य छि नाबकार चाऽर्य त फ्याऽरी  
 के'ह छुन तगान बोजुन  
 दक ज़द नय कास खाऽरी ॥०॥

स्यद पीठस प्यठ छख बिहिथ  
 स्यद लक्ष्मी छीय वनान  
 स्यद कामना कर मे' साऽरय ॥०॥

मीम वाव हे छु अन्धकाऽरी  
 गल्य चानि अकटारिव सूत्य  
 नून सूत्य मुचराव ताऽरी ॥०॥



## भजन 7

आशा वानन हऽन्दि आशो हो  
गटि मंज अनतम गाशो हो

आशा दाऽरिथ आशा वान  
यच काल गोम डेडि तल प्रारान  
कन थावतम मे' आलवन लोलो ॥०॥

चुँय छुख जगतुक मा'ज तय मोल  
बेकस नय हुन्द छुख रछन वोल  
संकट नावि कड पाशो हो ॥०॥

ब्यख' का अख व्यन्य गंजरावतम  
चरणन पन न्यन तल सावतम  
यी शूबि ती ह्यछ नावतम हो ॥०॥

अनजान वति प्यठ छुस प्योमुत  
बे'खबर पयि रो'स गरि द्रामुत  
दरशन कुय छुम खाशो हो ॥०॥

हम चट नावतम सम थावतम  
सूहम सग सूत्य फो'ल रावतम  
शम दम अद फो'लि पम लोलो ॥०॥

जान गछि ती व्यन्य यित चुँय यूरय  
मोहनस थफ करिथ नत नित तूरय  
गारान छुय रात द्यन लोलो ॥०॥



## ॥ जग जग भजन ८ ॥

**भजन कर राम रामय**

द्यू नज़र वुछ बो'म्बरा  
बोगनय क्या छु फेरान  
पोशनय रस चवानय ॥०॥

यिथय प्यठ फेर वननय  
वन्य दित सत ज़ननय  
रस रूप च़त ग्यानय ॥०॥

बून्य वछत क्या शूबिदार  
करान जीवन छि वो'पकार  
द'दि मत्य शेहलानय ॥०॥

कर्म कर न्यशिकामय  
बून्य थाव संमानय  
फल दिन वोल् सु पानय ॥०॥

पानो बन त खामोश  
यन्द्रय थावुख बे होश  
यिमय हा छलरानय ॥०॥

छोप छय रो'प संजय  
करखय सो'न संजय  
नत. बनि सो'न ति त्रामय ॥०॥

मीमस वाव मीलित  
हे छन पथर त्राविथ  
नून छुय सिरिय पानय ॥०॥



### भजन 9

प्योमुत छुस बे कसय  
वलय मा'ज रस रसय

संसार छु ना पायिदार  
बब मा'ज बा'य बन्द तुँ यार  
यिम ति सा'र्य द्राय न सऽ ॥०॥

जोलमुत काम क्रूदन  
वो'लुम नाल लूब मूहन  
अमि रस व्यस र्योसय ॥०॥



मूह स्यन्ध छि ज़ोरावार  
 दोरान ज़न चलान वाव  
 किथ तर सो'दरसय ॥०॥

नावि हां'ज़ किथ दियि तार  
 अन्धकार अथि छन. हार  
 ह्यतम मंज़ नावि तार सय ॥०॥

दितम अमृत मोय चो'नय  
 त्राव संसार ब्युनय  
 ओम् शब्द ध्यान दरसय ॥०॥

ना'ल्य माल खा'ल्य कन वा'ल्य  
 रंग रंग छि जाम ज़रका'र्य  
 दामनस ब चशम जरसय ॥०॥

मोहन छु लायान नाद  
 रटिथ हृदि मंज़ चा'न्य पाद  
 थावुस कन ज़ारसय ॥०॥



## भजन 10

मा'ज गोमुत छुस मारय  
दोह तारय यिखना

दारि प्यठ करान इन्तिजारय  
लोल चशमव च़ेय वछ़ान  
आर क्रोंत छुस बे करारय ॥०॥

छुम मे' अरमान वनय ज़ारय  
पार पारय मे' गोमुत  
पय सोज़तम कूत प्रारय ॥०॥

बाव पोशन छि सूत्य खारय  
वार वारय यिम कडतम  
अद यिम बुँ चानि शेरि खारय ॥०॥

यो'दवय चुँ लागख बे आरय  
गाट जारय मे' सोज़तम  
युथ मे' गलिहेम नब नारय ॥०॥

काम क्रूद मद अहंकारय  
अमि नारय सूर गोम  
शहलाव त्राव ज़लदारय ॥०॥

बाल बाव ओसुम वो'जारय  
 ज़ाह सोरुम नय नाव चोन  
 ॥ बुजर छुम व्यन्य दितम तारय ॥०॥

चे' तुँ मे' क्या छु दो'ग न्यारय  
 वो'गन्यारय छु ना जान  
 ॥ करत मे' सूत्य यकरारय ॥०॥

रोज़ तु मोहनस व्यन्य सहारय  
 क्या चे'लागथ छि ला गन्य  
 ॥ गोमुत छुस अज़कारय ॥०॥



## भजन 11

दुनिया छु तावन बोज़ वन हा'री  
 करतम पारम पा'रिये

चकिचाव ब्रम रोवुस लो'कचा'री  
 मुह मद गोमुत फिरा'रिये  
 ज़ोनुम न संसार मंज़ क्या चे'लारी ॥०॥

बब मा'ज बे'नि बा'य आ'स मे' ह्यतका'री  
 अकि अकि च़ल्य तिम सा'रिये  
 ताऽर लज्य न तस यस यलि वा'च वा'री ॥०॥

नख डख रो'स छुस अन जल दा'री  
 लो'गतुम ग्रट अनवा'रिये  
 बरि छुम वुछम मा काल शाहमा'री ॥०॥

बो'ज अभाव किन्य छिम संकल्प जा'री  
 कामनाय पा'द क'रि यिम सा'रिये  
 गाल काम क्रूद लूब मुह मद सा'री ॥०॥

पानय छख करता ज्ञानान सोरुय  
 थोवथम प्यठ करम बोरये  
 क्याजि व'लिमत्य छिथख चा'री तफ्या'री ॥०॥

मोहन आमुत छुय जार पा'री  
 थावतम गोश गुजा'रिये  
 मोकला'विथ निम यमि संसा'री ॥०॥



## भजन 12

तारि गोमुत तार हांजानिये  
 बोज आलव मे' छि अथ छ'निये

बह्मा विष्णु महेश छी काहार  
 सारि जगतुक चलावान व्यवहार  
 सिर्य चन्द्रम अदीन आस व'निये ॥०॥



कनन कन दूर मछन छीमछ बन्द  
अथन आयो'द कथन छी बरिथ कन्द  
ढयकि चन्द्रम छुय प्रजल वुनये ॥०॥

माहामाया चे वो'हरूथ अन्धकार  
ब्रम द्युतथम होवथम संसार  
यि संसार छु सनि खो'त सो'नये ॥०॥

रुह्य तर अपोर मे' डल्य व्यन्य पनिये  
लहर मारान सन्य तय वो'गनिये  
बयि चामुत मा'ज राज्य रयनिये ॥०॥

कोसंगन को'रमुत युथ हाल  
गट वा'जिनम को'र नस पामाल  
मुह वावन क'डनम क'चिये ॥०॥

वन तुँ ह्योन द्योन क्या छु सूत्य न्युनये  
क्याजि थोवथम गछुन तय युनये  
यि आवलुन छु छल करवुनये ॥०॥

हम खूर तुल स्यो'द रठ नावि नम  
तार तारुम बनावतम सूहम  
गाश अनतम त गछत व्यन्य ननिये ॥०॥

शक्ती छख शैव सन्ज र'निये  
 ज्यन मरनुक बयि कास व्यनिये  
 क्या छि बड' कथ मे'तार तारुनये ॥०॥

मीमस व्यन्य वाव हे चठतस  
 नूनस प्यठ सिर्फ थयथ थावतस  
 नून रोस सुन्य छु गछान स्युनये ॥०॥



### भजन 13

मे' क्या मंगुन बुँ नय ज़ानय  
 यि मंगुन छुम ति दिम पानय

सर्व व्यापक चुँ शाहानय  
 मनन हुन्द बाव ज़ानानय  
 छुमय खो'चर च कड पानय ॥०॥ यि मंगुन ॥०॥

छि दीव सा'री नमानय  
 दोहय पूज़ान चे' शबानय  
 ग्यवान ग्वन चा'न्य तुँ नचानय ॥०॥

गदि प्यठ छख हुक्म रा नय  
 दयकि चन्द्रम चे' शूबानय  
 अथन आयो'द त कमानय ॥०॥

गरि प्यठ आस ब लारानय  
 हलम दा'रिथ प्रारानय  
 बर मुर म्योन यि चा'न्य शानय ॥०॥

दयाये हुन्द च खजानय  
 दया कर सोर सामानय  
 नेरि हे युथ मे' अरमानय ॥०॥

मे' छुम चोनय गुमानय  
 चूँ मत लागतम बेगानय  
 चूँ ज्ञान चानि रो'स बुँ वाऽरानाय ॥०॥

यि क्या तूफान चूँ दूरानय  
 मा'ज पो'त्रस न ज्ञानानय  
 माजि रो'स शुर ब्रछानय ॥०॥

मे मंऽगि मंऽगि जयव कलानय  
 चूँ पपनाव हचि तु बेयि हामय  
 अद चलनम मे' लूक पामय ॥०॥

मीम वाव हे नून छु नूरानय  
 दार ग्वर सु कर नाविय ज्ञानय  
 नत वन नय लूक बेयिमानय ॥०॥

## भजन 14

यो'दवय छय चेय रजायी  
अख रूबा'यी बुँ ग्यवहा'य

क्या तमाशा अजब बनोवुथ  
नो'न होवुथ यि संसार  
पत थावथम गुमरा'ही ॥०॥

पान रूदुख तनहा'यी  
दिल बहला'यी करान  
छा यि जेबान छिन दगायी ॥०॥

निश आऽसिथ चूरि रोजान  
दूर छांडान बुँ वननय  
क्याजि छय चे' खो'श म्यान्य जुदायी ॥०॥

कांह छु फेरान करान गदा'यी  
कांह करान बादशा'ही  
कांह छु करान जान फिदा'यी ॥०॥

छय मे' गा'मच रूसवा'ई  
यथ खो'टिस शहरस अन्दर  
चन्द छो'न छुस बे गो'ना'यी ॥०॥



यी मे' वो'नथम ती को'रमय  
 यी ल्यूखथम ती सो'रमय  
 वन तुँ व्यन्य मे' क्या कऽर बुरा'यी ॥०॥

कर्म फल वन तुँ क्या बनोवथम  
 गाड हांऽज ज़न लोगथम  
 ज़ाल त्रावुन छा खो'दाऽयी ॥०॥

कति छुख आसान मंज हवाई  
 पैय मे' पनुनय सोजतम  
 कर त मोहनस हक अदाऽई ॥०॥



### भजन 15

थो'द वो'थू मा शों'ग- वुछ संसार.क रंग  
 यिम रंग छि नापायदार

शुर्य बा'च बेनि बा'य बब मा'ज त्रय ज़न  
 मूहच खो'रन छय यि खाव  
 यि खाव छन त्राविथ - अमि निश रोज़ ब्युन  
 नत गछख पीरो पार ॥०॥

पछ नय यियि वुछ— अछन द्यू मूरन  
 दास दार'जि हं'ज छय यि क्राव  
 बुज्यर यल्य वातिय—अद'मारिय डंग  
 ज़न आसि काल शाहमार ॥०॥

अथ छो'न न्यथ नो'न—बेयि छुख निरदन  
 कथ प्यठ छुय चिकचाव  
 चाव यल्य सोरिय त्यलि गछियो बंग  
 पत किथ प्यठ लबख तार ॥०॥

पो'ज त्रा'विथ छुख अपुज अपनावान  
 व्यशयन मंज करान क्राव  
 पो'ज छुय सथ संग—अमिचिव थाव मंग  
 बनख हमेश बहार ॥०॥

कलऽ बो'न थाविथय—कर सथ ज़न संग  
 संग सूत्य तन मन नाव  
 मन सर ना'विथ—कर न्यदि दासन  
 अद फोलनय गुल तुँ गुलज़ार ॥०॥

वुनि छय सुल ग'र—न्यथ वो'थ प्रबातन  
 बोलान छि बुलबुल तुँ काव  
 कन थव शब्दस बोज कृष्ण गायन  
 छय बजान लोल च तार ॥०॥

अन्तः करनन गो'ड का'सिथ जंग  
 ओमकृय दिस फहरवाव  
 खय यल्य चलियो-गाश यियि नेत्रन  
 परजनाव जानावार ॥०॥

जिन्द छुख रिन्द बन-नाव छुय मोहन  
 नावस छु बो'ड प्रबाव  
 अमि नाम सुमरनि- ता'र्य पानय मुचरन  
 दार प्यठ छाव व्यन्य बहार ॥०॥



## भजन 16

लथ ला-यिथ यथ संसारस

बाल प्रारस एश मुकाम

आदि शक्ति छख चुँ मा'ज भवानी  
 नाऽल्य पोश माल खा'ल्य कनवा'ली  
 छिय चे' आबरन हिव अनार'स ॥०॥

करिथ सऽहस प्यठ छख सवा'री  
 करुथ ख्य असरन मा'र मा'री  
 छख चुँ खोहवरि किन्य जटादारस ॥०॥



हृदयस चन्द्र ड्यकि यन्दु दा'री  
 कन थावतम बोज विलजा'री  
 दित दरशुन नेरि मे'ति हाव'स ॥०॥

छुस मुसाफिर द्रामुत सफरस  
 कदम कदम छुस दिवान यथ मंजिलस  
 छो'टराव मंजिल छुसय इन्तिजारस ॥०॥

तंग ओ'न नस यम्य संसारन  
 भ्रम रोवनस लो'कट्य लोकचारन  
 चोलुम त्रा'विथ लोगनस दावऽस ॥०॥

अ'न्य सारि व'न्य दिवान मोहन  
 त्रयि ताप सूत्य द'ज्मज हन हन  
 गालुस काम क्रूद थवुन शहजारस ॥०॥



## भजन 17

माऽज भवा'नी राजिरा'नी बोज प्रणाम

छुस गदा प्योमुत बरस तल बोज सदा  
 माऽज भवा'नी थव चूँ कन वनहय मुदा  
 गो'ड़ दितम गाश युथ में' बनिहेम पा'रिजान ॥०॥



छुम कनन गोमुत छु थो'द दरबार चोन  
 आस दवान दोरान तमी बोज नाद म्योन  
 क्या गछी कम यो'द मे' थावख साविदान ॥०॥

आशि चाने बुँ'ति आसय करम ह्यून  
 क्याजि छख अवडाल करान कोन' बोजांन छख म्योन  
 तुल कलम थो'द शेर अद म्योन करम लोन ॥०॥

अन्द लो'बुम न संसारस व'न्य दितिम रात त दो'ह  
 ज्यूठ छु सो'दरा क्रूठ मंजिल प्योम बाल पानस लो'ग  
 मे ' छोह  
 चाव मे' अमृत युथ बुँ लबहा मूख्यदाम ॥०॥

मोह स्यन्दि वो' दरस मंज छुस प्योमुत  
 चवान छुस व्यषयुक पोन्थ  
 कड मे' अमि मंज नत' ब फोट'मुत  
 छुम मे' लो'गमुत जूनि गोन  
 दिम मे' सुमरथ युथ ब दरहा चोन ध्यान ॥०॥

छुय चे' मोहन नाद लायान  
 कोन थावान छख चुँ कन  
 लोल' नारक आम तावन जाऽजिमच छम तन तु मन  
 दो'द सु सोरुय वातनावतन लाहमकान ॥०॥



## भजन 18

कोता वनय क्या क्या मे' गोम  
ओम मंज द्रामुत छु वेद चोन

जंनमादि जंनमन फीरथय  
चो'य-शीथ लछ वेश वो'लंगथय  
आ'खर मनुष्य बाव प्राव्योम ॥०॥

गर्बस मंज जंनम दाऽरिथय  
मल मुतर पान लिथ नाऽविथय  
कर्म हांछि दण्डनोम दिह दार्योम ॥०॥

नव र्यथ गछिथ यल्य द्रास न्यबर  
थन प्योस बालुक वछ'म थर थर  
कर्म क्रथ पतिम मशराव्येम ॥०॥  
बाल बाव ओसुम शीर खार  
रूगा द्यकव को'र अजकार  
वल यित पान वुद्धत क्या मे' बन्योम ॥०॥

यावनन कोर'नस बुँ बे वार  
अहंकार गुरिस प्यठ ओस सवार  
व्यषया द्यकन हुन्द रस चोम ॥०॥

व्यन्य छुम बुज्यर आमुत नखय  
किथ प्यठ र्यनन हुन्द बोर ह्यकय  
र्यन वाल नखय व्यन्य बन तुँ म्योन ॥०॥

अज तान्य आसय च़ेय थ्यकान  
म्यथ्या पदार्थ कूत्य मंगान  
व्यन्य छुय मे' हाजत लोल चोन ॥०॥

प्रारान वोतुम यति यूत काल  
कर वाति दीनन हुन्द दयाल  
स्यज राविहे म्योन कर्म लोन ॥०॥

मोहन छु आऽरच़र यी करान  
वरदान मंगान सुबह तुँ शाम  
करतम लय युथ पथ रोज़ि ओम ॥०॥



जटन मंजु नखियारंगे वसन्त वसन्ति जम जम  
॥०॥ अज नखियारंगे वसन्त वसन्ति जम जम  
हुन्द घांन्य रच फल्य वुठ क्या कि भाजनीन  
वुध भांन्य छायर कय भांनि शीरीन  
दुयकि छय चन्दम हटि सर्प हारम ॥०॥



## भजन 19

गदा छुस बरस तल आमुत शरन तय  
 वनतय कोत सना गोम  
 तो'हि मा ड्यूठ वोन बंग चवुन तय ॥०॥  
 वनतय ॥०॥

ढयकि छुस चन्द्रम हटि वासुक तय  
 जटि मंज छुस गंग वोऽन्य  
 वो'भा सूत्य छस खोहवर्य किज तय ॥०॥

गज चम सह' मसला वलिथय तय  
 वृषबस प्यठ छु खस वोन  
 शुमशानन प्यठ वास करवुन तय ॥०॥

काल छांय यल्य वछ मारकां'डियनतय  
 शिव लिंग नाल रो'टुन  
 लिंग मंज र्वन्य मो'त अद द्राव नो'न तय ॥०॥

बक्ति बाव क्या को'र सदा शिवन तय  
 लिंग फो'ट त द्राव नंग नो'न  
 लार क'र कालस अगूर भैरवन तय ॥०॥



व्यषनो बगवान छुय चे' पूज़न तय  
पम्पोश पूज़ि लागान  
सास मंज़ गव तस अख पोश कम तय ॥०॥

बक्ति यल्य तस यीच गयि ग'न्य तय  
नेत्र कमल चे' लोगुन  
हमसा सूहम शब्द ज़पन तय ॥०॥

यिछय बक्ति छुस बुँ मंगन तय  
त्रावतम मत व्यन्य मे' ब्युन  
दूरयर चोनय छुस न चालन तय ॥०॥

खोचान चे बगऽर छुस बुँ शुर ज़न तय  
आसर छुमना मे' चोन  
मोहन नालान छुस ब रात द्यन तय ॥०॥



## भजन 20

शिवोहम शिवोहम शिवः केवलोहम  
जटन मंज़ रटिथ गंग वसान आबि ज़म ज़म

दन्द चा'न्य रच फल्य वुठ क्या छि नाज़नीन  
बुम्ब चा'न्य खंजर कथ चानि शीरीन  
दयकि छुय चन्द्रम हटि सर्प हारम ॥०॥

अथन क्यथ चे डाबुर चै छुख बीन वायान  
कनन मंज चै कुण्डल चै छुख ग्राय मारान  
नचन क्या चै रम्बवुन वजान जीरो बम ॥०॥

दिवान डाल यल्य छुख नर्यन छुख हिलावन  
अजूबा नचुन चोन छु यन्द्राज व्यसरन  
एवजन हुन्द शब्द क्या ग्यवान ज़न सूहम ॥०॥

बिहिथ छुख जा'लिथ कामस त क्रूदस  
लूबस तुँ मूहस बेयि काल शूलस  
तवय नाव चेय छि वनान काम दगदम ॥०॥

गिन्दान छुख बूतन बे'यि सूत्य पिशाचन  
मलिथ सूर बदनस वलिथ तनि सहऽ चम  
रटिथ जाय प्यठ छुख शुम शाऽनी वसनतम ॥०॥

जगत नाथ नाथम वैभव व्यषनाथम  
खसिथ दुख वृषबस यि कु चोन वाहन  
बुँ कथ तार वनहम चै ठहराव सऽकदम ॥०॥

गो'डन्य बोज संसार ब्रम तय बा'जगार  
न छुस कुनि अंद गो'ड न छु कुनि सुम तार  
चै थव लो'ब मे' अमि मंज चे क्या व्यन्य गछी कम ॥०॥

पथर ज़न छु मोहन प्यो'मुत बर ज़मीनस  
करान छुय चे फरियाद रटुन सूत्य सीनस  
थवुस गोश तुलुन थे'द रूज़िथ छु सरखम ॥०॥



## भजन 21

चुँ छुख म्योन मददगार-गंगादार यितऽमो

दोख त सो'ख छु संसार— पाछ त्वथ छिस आदार  
बिहिथ मंज़ छुस निराकार ॥०॥

निराकार छु ओमकार—त्रे पद अम्य सुन्द व्यसतार  
अ. व. म. हस करतम पार ॥०॥

सु छु पानय करतार—थोवुन प्युठ मे'करमबार  
तथ छि वासना ज़िमवार ॥०॥

वासना छि प्रकृत पार—वोलमुत यम्य छु अन्धकार  
कामन क्रूदन को'रनस मार ॥०॥

खो'ट छु म्योनय व्यवहार—त्रावनस मे'छुम न वांर  
छुख चुँ पानय बखशन हार ॥०॥



पापन शापन दितम नार— करमन करतम दशहार  
 नाव छुय चे' बसमादार ॥०॥

मोहन गोमुत गिरफतार—वदान छुय ज़ार ज़ार  
 चे'रुस छुम न कांह ति सार ॥०॥



## भजन 22

छुम तमन्ना कांह ति वुछहऽन  
 पननुय या परुदय  
 युस बुँ वछहन तस बुँ वनहा  
 बोजिहे म्योन बनुनय

युस मे' वछुंम पनुन आ'सिथ  
 गऽर ज़ानय छु नन नय  
 वो'थू पानो अऽछ मुचराव  
 अथ हालस छु सनुनय ॥०॥ छुम तमन्ना ॥०॥

यि छु दुनिया गर्ज मन्दी  
 फन्द बाऽजी तुँ छो'न नय  
 दूर रुजिथ अमि निशन  
 चूरि छांडुन नन्द नुय ॥०॥ छुम तमन्ना ॥०॥



न्यबर छुय नो अन्द बिहिथ  
 खास कुठिस छु शों'गनय  
 गो'ड कर श्रान मल साबन  
 युथ न मल रोजि अंग नय ॥०॥ छुम तमन्ना ॥०॥

दारि बर दिथ चो'न तरफन  
 नाद लायुस त अनुनय  
 यि छु बोजान लो'ति आलव  
 रस रसय वन नुय ॥०॥ छुम तमन्ना ॥०॥

सिव्य करून नाट रन्य रन्य  
 माज ख्यावुन पनुनय  
 लोल जिन कुय सोंत नाराह  
 अमि सूत्य दाव अनुनय ॥०॥

सिव्य यलि गछि दारि वछ त्राव  
 वछ त मा बेहि अन्द नय  
 हर सातन सूत्य सूत्य रोजि  
 न्याय सोरुय छु अन्द नय ॥०॥

मीम वाव हे जनि छय ज़ांड  
 नून सूत्य करूस छन्दनय  
 आ'बर लंग छैयनि गाश नो'न नेरि  
 छैयनि सोरुय बन्दनय ॥०॥

## भजन 23

करू सखरा घर छु गछुनये

अथ छो'न न्यथ नोन वो'ड नो'न तुँ ननवोर  
गरि द्रामुत आमुत छुख चुँ योर  
यति वन त व्यन्यक्या छु सूत्य न्युनये ॥०॥

द्यू च्यथ तय व्यचारा कर तो  
ज्यून मुत यि छुय तथ हिसाब बोजतो  
खर्च गोमुत यि त्राव व्यन्य ब्युनये ॥०॥

गर क्युथ यि छुय यिन कांऽसि हावख  
वति खर्चा सिर्फ अलग थावख  
गर मा गछख योर अथ छो'नये ॥०॥

वान वाल्यन सूत्य हिसाब करतो  
कर्ज दारन कर्ज नख वाल तो  
युथ न बाकी रोजि केंह प्रोनये ॥०॥

यति गछ छय जीवस मारान  
दास दारऽज अथ छु बो'ड कारन  
चठ यि कारन क्या छु जेटुनये ॥०॥

यी यति छुय तति ती अन तो  
अकऽय फुटजा साऽरसय गंन्द तो  
चन्द चूरन छुस ह्यस थावुनये ॥०॥

खसुन बालन पकू बा'ल्य बाऽली  
मुह दरियाव वसान नाल नाऽली  
ह्यस कर युथ न खो'र गछी बो'नये ॥०॥

बेहतर छुय खस हवा'ई जहाजस  
प्रणाम कर त गोड यूग राजस  
न्यराकार यूग राज आस वुनये ॥०॥

स्वा कारूक गोड रठ दामन  
अद फो'ल नय बाव क्य बामन  
न्यराकार व्यन्य जल यीय सोनये ॥०॥

चूरन हुन्द बयि यलि गछि दूर  
अद बोजख साज तय संतूर  
विग्यन्यन ज़न आसि वन वुनये ॥०॥

मो लाग चेर समय वोतमुतये  
मोहन छु रास गिन्दान द्रामुतये  
गूपियन सूत्य रो'फ करवुनये ॥०॥





## भजन 24

यि छु संसार वांगज्य वोरुय

दोर दोरय रोजिय नो

दब हो लगयि बुथ फुटिय सोरुय ॥०॥दोर॥०॥

दन दौलत ज़न क्यटम्ब सोरुय

यिम नय मंज छुख चोरुय ज़न

मुह वावन कोरमुत छु ज़ोरुय ॥०॥

क्याजि प्योमुत छु नाहककुय बोरुय

कांह ति छुय ना सोरुय चे'

हाव बावा छु अपजुय सोरुय ॥०॥

श्वास वो'शास यम्य यति होरुय

वात नोवुख सु अन्द मऽदान

मायि हतिवय ज़िन्य बनि खोरुय ॥०॥

युस योर आस तस गछुन तोरुय

अड्यन गोरय अड्यन शुमशान

त्रुज्य यिम आऽस्य तिमव यी व्यचोरुय ॥०॥

पान म्यानो रछा करत गोरुय

वुछत लोर मा यति कांऽसि केंह

अथ हावान गय लछि बद्य क्वरोरुय ॥०॥



करनाऽवि दो'प तरिव मा अपोरुय  
 हरव लाऽयिथ जोरय सूत्य  
 सुय तो'र अपोर यस तम्य योरुय ॥०॥

बुँ.ति छुस वनान म'कर ओर योरुय  
 त्रे पोरय लरि मंज अछ  
 सथ नाग अति पोन्थ छुख होरुय ॥०॥

चतुँ त्रेशा खस हेरि ह्योरुय  
 हाऽसिल कर चूरयुम पोर  
 अथ पोरस मुचराव तोरुय ॥०॥

मोहन बिचोर चोरुय तुँ पयोरुय  
 को'त वाति हे अथ पोरस  
 मद लालुन अनुग्रह छु सोरुय ॥०॥



## भजन 25

पान म्यानि रोज़ सरखम  
युथ न गछियो मन हम  
यि संसार हो छुय ब्रम ॥०॥ युथ न ॥०॥

मो छांड त्रई तूँ संतान  
मो छांड दन तय मकान  
व्यवहारुक चूँ त्राव गम ॥०॥

क्या छुय शरीरुक चे' नाज़  
व्यषयव निश यति बाज़  
नत गछियो जम जम ॥०॥

काल यल्य काऽलि वातिय  
तमि सात. कांह न साथी  
ब यकदम खसुन हेय तम ॥०॥

दमन बस्यते दितो दम  
ओम् सूत्य तुल तस बम  
अद फो'ल हृदयुक पम ॥०॥

गोड्यन शो'जराव तो मन  
जन आसि बिन्द्रावन  
सूहम रजि अद लम ॥०॥

ग्वर दारुन छु हावन  
मन किथ प्यठ छि मारन  
मन मा'रिथ कर त शम ॥०॥

येलि सपदख सूहम  
अद् त्यलि दूर गछि यम  
वजी साज बजी डम डम ॥०॥

मोहन बजावान नय  
रात द्यन छु तथ्य सूत्य लय  
बखत्यन सूत्य हम दम ॥०॥



## भजन 26

बगवान कोताह व्यन्य ज़रय  
कास अरसरय ज़नमन हऽन्दय  
ही थऽर बुँ ज़न गोमुत बरय ॥०॥ कास ॥०॥

बडि खो'त बो'ड बूजुम चुँ छुख  
युथ छुख चुँ त्युथ कां'सि नो वुछुख  
संकट मे' चठ नत क्या करय ॥०॥



वो'मेद दा'रिथ योर बूँ आस  
 गट कास व्यराठ रूप बास  
 म्वख हाव प्यठ हर शीश्वरय ॥०॥

वांऽसा गमय ललवान यि दोद  
 बे आर कयाजि दिवान चुँ डोल  
 कन थाव मे' लो'गमुत छुस दरय ॥०॥

गो'श दिन चे' नेरी नो मुदा  
 बोज़तम सदा आमुत गदा  
 आऽरतिस मे' बोज़तम आऽरचरय ॥०॥

नरि जंग छम नुँ व्यन्य ह्यकान  
 अज तान्य आसय चेय थ्यकान  
 व्यन्य वोत समय करतम खरय ॥०॥

दूरि दूरि चूरि छुख चुँ रोज़नय  
 कावस अथि शेछय सोज़नय  
 वल बेह हृदयकुछि अन्दरय ॥०॥

मीमस तुँ वावस म्युल चुँ कर  
 हे त्राव नून सूत्य मिहन जर  
 अंज़ले दशन चूनि हो जरय ॥०॥





## भजन 27

बुँ क्यताह लायय नाद  
फरियाद बोजखना

ब छुस ना चोनुई ज़ाद  
भ्रम यस द्युत जवाऽनी  
चोर अतवार छिम वो'पाद ॥०॥

काम क्रूद मुह मद छि व्याद  
जीवस छि छलरा'नी  
चुँ गाल यिम करुम आज़ाद ॥०॥

यन्द्रय चूरन हन्ज़ काद  
सन छम मे' दिवा'नी  
बय छुम यिम छि बड्य अगाद ॥०॥

यिमन सूत्यन ओसुस बुरबाद  
जीर दिचथम रवाऽनी  
व्यन्य क्याज़ि बीट्क दरकाब ॥०॥

बुँ कोताह कर व्यन्य जहाद  
यिमन छुस न पोशा'नी  
यिमव हय ओ'नमुत बदाद ॥०॥

चे'त मे' क्या छु तजाद  
चूरि छख रोजा'नी  
चूरि रोजुन छा सवाब ॥०॥

मा'ज बोज पो'त्र सुन्द नाद  
चे' बग्यर खोचा'नी  
कर दया त्राव व्यन्य अनाद ॥०॥

मोहन छु नून रोस आद  
नूनस कि ब्यन्द वना'नी  
ब्यन्दय गव अनाहत नाद ॥०॥



## भजन 28

म्यानि दयो/चेय रो'स कस बुँ वनय

थन यन प्योस-तन गोस चेय निश छैयनय  
वति रोवुस रुदुम न केँह ति जो'नय ॥०॥

रुग गग.रव आ'लि हो करि हऽम तनय  
काम क्रूदन को'रनस पन पनय ॥०॥

यावुन हा गोम बुज्यरन कजिनय को'नय  
दो'ख तूँ दा'दि बूगिथ आसय टंगय ॥०॥

व्यन्य यितमो आलवन थवतम कनय  
मन वाजे युथ बूँ नावचोन खनय ॥०॥

वेरि चान्ये सारेय न्यामच बूँ रनय  
व्यथ मन ब्वद प्राण करय अरपनय ॥०॥

गुल्य गन्डिथ मोहन छु करान व्यनय  
ह्यथ छु कालुन बयि युस छु प्राण चीरनय ॥०॥



## भजन 29

छोच वुछमय संसार  
केंछा मे' यार लोलो  
नाव छुय चे' जटादार ॥०॥ केंछा ॥०॥

नान्य बुड्यबब तूँ पो'फ मास  
आस पास आ'स्य मे' रूजिथ  
कांह कांऽसि नु द्राव सारो ॥०॥

शुर्य बाव डाल दिवान  
 बाल बाव छाल मारान  
 नीरिथ गव लो'कचारो ॥०॥

मुह आवलन्य रो'टुस तल  
 दहव यन्द्रय कोर छल  
 अथ रठ मे' बो'ठ खारो ॥०॥

ओ'न छुस दिवान वन्य  
 गोम क्रंजि पोन्थ सारून  
 वथ हाव मे' हरद्वारो ॥०॥

यच कोल बुँ छुस बेमार  
 कर व्यन्य म्योन चारो  
 बलय यल्य दिख चुँ दीदार ॥०॥

मीमस वाव हे चठ  
 ओमकार हृदि मंज रठ  
 मोकलख नत गछख मार ॥०॥





# भजन 30

अगर बोज़ख चुँ म्या'नी कथ  
मे' ननि हे छुख मदद गारो

गदा छुस चानि डेढि तल प्यथ  
चे' रो'स कुस ब्याख मे' ड्यखिदारो  
चुँ नय आसख मे' क्या वुकथ ॥०॥ मे' ननि ॥०॥

गयम वांऽसा करान प्रथ प्रथ  
चे' ई नय आर बे आरो  
मे' वनतम क्या छि हकीकथ ॥०॥

चुँ छुख शमा बुँ करहय गथ  
बनिथ पोंपुर मुदादारो  
दजिथ गछ बो बन्यम म्यचि दथ ॥०॥

मे' नो मंगि मय चे' दन दौलथ  
सिरिफ वो'नमय मे' कर त चारो  
चुँ रोज़ मे' सूत्य मे' चोन हाजथ ॥०॥  
तकदीरन मे' ला'यनम लथ  
मे' अडिज्यन सूर गोम यारो  
अछन अनि गट तुँ बदनस नठ ॥०॥

चुँ ब्यह मे' निश मे' रोज़ि हे सथ  
 बुँ छुस यच कोल बेमारो  
 मे' तुल थोद चाव पनन्य शरबथ ॥०॥

यि दुनिया क्या अपुज असथ  
 बनावुथ पान करतारो  
 मे' अथ्य मंज गव कमय कऽमथ ॥०॥

चुँ अंजराव न्याय चे छुय वुसथ  
 कडिथ अमि मंज दितम तारो  
 हल्यन अछरन चुँ त्रावतम खत ॥०॥

चुँ बोज छो'ट चठ मे' यति अत गत  
 क्याजि बुँ छुस न लगहारो  
 चुँ मोहन छुख बुँ वन्दहय रथ ॥०॥



## भजन 31

आरको'त छुस पथर ज़न  
मन छुम वनान सु वात्यम  
वात्यम तुँ नाल रटहन॥०॥ मन छुम॥०॥

लो'कचार गोम प्रारान  
बुज्यर मे' आम लारान  
गाश सूरमुत मे' नेत्रन॥०॥

बब म्यानि यि तुँ जल जल  
मुशकिलन अद गछि हल  
नत. ग्रास को'र मे' कालन॥०॥

रुगा छेकन चुँ हुमराव  
दहन यन्द्रयन शो'मराव  
करमन कर व्यसरज़न॥०॥

करमन को'रुस गिरफ्तार  
बवसागरस करूम पार  
वो'दार बनि जीवन॥०॥

द्वन च्वन शन त्रा'विथ  
दह बाह शुराह प्रा'विथ  
अमि ह्योर छुय न्यरन्यज़न॥०॥

शेखरस प्यठ वा'तिथ

कदमा ठहरा'विथ

॥०॥ कन गछ दिवान साजन ॥०॥

ब्रकूटी प्रखुट ज्वाला

ख्य तुँ ह छि वरन माला

ख्यन ख्यन गछ दयायिरन ॥०॥

तुर्या चटि बन्दन

फेर पो'त वुछतु हन हन

होरि बो'न छु पान मोहन ॥०॥



### भजन 32

डेडि प्यठ करान इन्तिजार

चुँ बोज गुफतार म्योनुय

गोड्यन मुचरावतम बर

मे' चलिहे वां'लिजि शर

अद वनय लोल इसरार ॥०॥



वनान लूख छी चै' रोन्थ पाद  
 बजान यथ अनाहत नाद  
 यि नाद सन्यतन मे' रूमनय ॥०॥

मनि मंजुला छुम गो'रमुत  
 लोल चून्यव छुम जो'रमुत  
 अथ मंजु बेह त यक करार ॥०॥

यच कोल बुँ छुस बेमार  
 दवा बोजयन छम रोन्थ तार  
 अमि श्रो'न्य छुस बलन हार ॥०॥

यछख यो'द करून वो'पकार  
 चुँ कर करमन मे' दशहार  
 हंग मंग दार अवतार ॥०॥

मोहन वदान जार जार  
 कर्मन को'रुस गिरफ्तार  
 नारस करुस गुलजार ॥०॥



### भजन 33

छुस मुसाफिर योर आमुत  
माऽजि ज़ामुत न्यथ नो'न

वति ओसुम कनन गोमुत  
दरबार शाऽही छु नो'न  
यमिस यी गोछ तम्य/ती प्रोवमुत ॥०॥

तवय आसय बूँ वति रोवमुत  
बरस प्यठ छुस गदा ज़न  
सदा बोज़तम छुस कांपनोवमुत ॥०॥

चूँ सन म्वख मे' बेह पथर ब प्योमुत  
हाल म्योन गछत बोज़ान  
वनय ती यी मे' गुदर्योमुत ॥०॥

व्यषय कुलिनय रस मे' चोमुत  
सोज़ गोमुत छुम बदन  
यूग कुय बाग़ न्यावनोवमुत ॥०॥

काम क्रूदन ब आव रोवमुत  
यन्द्रय चूरव दिचहम सन  
मुह मदनय चटिथ बूँ त्रोवमुत ॥०॥

कोट्यनय ज़न छुम छोल प्योमुत

हेरि प्यठ प्योमुत बुँ बो'न

॥०॥ कर्म बन्धनन दक मे' दोवमुत ॥०॥

कर्म बोर छुय चे' मे' त्रोवमुत

क्या चे' ओसुय प्रयोजन

माया ज़ाल छुय वाहरोवमुत ॥०॥

बाज़ि हन्दि प्यठ बाग़ बनोवुथ

नाव थोवथस मोहन

त्रेयि ताप सूत्य होख नोवमुत ॥०॥

यष्ट दीवी छुय नाव प्योमुत

कष्ट कास्तम हन हन

युथ पम्पोश फो'ल रोवमुत ॥०॥



### भजन 34

मा'ज भवाऽनी राजि रा'नी कर मेहरबा'नी

आस गदा दोरान दवा'नी प्योस बरस तल

ह्युर मे' होरवुम नाद लायान कोन बोज़ा'नी ॥०॥

छुस बुँ अडको'ल बेखबर अनपड तु अग्या'नी

छख चु ज़ानान अड कल्यन नादन हुन्द मान्ये ॥०॥

बर चुँ मुचराव थो'द मे' तुलतम डख मे' राजतम मा'ज  
बावहय हाल सीन मुचरिथ क्या छुम गुदरा'नी ॥०॥

काम क्रूद लूब मुह तु मद यिम चोर छिम अतवार  
था'वि मे' पत यिम कर्म खो'चरन छिम न त्रावा'नी ॥०॥

छुस बुँ लो'गमुत तचि तावे मुह गट्र मंज  
चांग्य गाशा हावतम नतु क्या छि कथ म्या'नी ॥०॥

यन्द्रय चूरव सन मे' दिचहम खो'ड मे' कर्यहम क्यत्य  
रठतम खो'नि मंज लाग मरहम दोद बला'नी ॥०॥

कर्म खंडन शेर मोहनस अद सु सपदी सो'न  
नत मार्यस काल शाहमार अथ छु मूरा'नी ॥०॥



### भजन 35

लछि नवि गछि डबि लेख ओमकार

छुय नमस्कार छुय नमस्कार

गज म्वख चो'त्रढल चु मूलादार

च्वन अथन क्यथ छिय चोर हथियार

दूर करवुन छुख चु मुह अंदकार ॥०॥



गाह क्या छु त्रावान चोन दरबार  
षट डल शान म्वख नाव छुस क्वमार  
स्वादिष्ठानुक द्वार शूबिदार ॥०॥

लक्ष्मी सूत्य ह्यथ गरुड सवार  
दश डल कृष्ण छुख करान व्यवहार  
पंकज पादन हुन्द छुम अमार ॥०॥

द्वादशांत मन्दलस पान सरकार  
शक्ती सूत्य छु दिवान व्यसतार  
अनाहत नाद ब्यन्दस कन दार ॥०॥

शूडस डल छुख बिहिथ दम दार  
व्यशन रूप बोलान सहज व्यचार  
व्यश्वद चक्रुक श्वद बाव छु सार ॥०॥

आग्या शेखरस मंज व्यन्य प्रार  
तति छय बजावान लोल'च तार  
साज बूजिथ कर ब्रकुटी पार ॥०॥

मीम वाव हे नून जगत गम खार  
दु दल सारिनय सु दिवान तार ॥०॥  
अति ओर व्यन्य क्या छु मे' बकार ॥०॥



इति शुभम्

भजन 36

बु छुस न्यशबो'द  
ब्वदी व्यन्य चय मे' दिखना  
मलालय त्राव तु सालय  
व्यन्य चु यिखना

मे' ब्वदि हीन आसन किन्य  
जांह आम न व्यसतार  
लो' गुस शाठन ड्यमबन  
अथ रूट करखना ॥०॥ बु छुस ॥०॥

मे' चाऽनी आश दाऽरमृच  
गोम यच काल  
चु छुख बब मा'ज तु बांदव  
असि रछखना ॥०॥ बु छुस ॥०॥

थावुन ह्यस होश बदसतूर  
जांह बु डलऽ मा  
तरून सो'दरस अपोर छुम  
थफ करखना ॥०॥ बु छुस ॥०॥

मे' अऽदीन बाव छुम  
छुस बु अंग ह्यून  
सफर ज्यूठ छुम पकुन  
व्यन्य छो'ट करखना ॥०॥ बु छुस ॥०॥

छि को'स लागत चे' लागन्य  
 यो'द चु बोजख  
 बु छुस प्योमुत पथर  
 व्यन्य थो'द तुलखना ॥०॥ बु छुस ॥०॥

चे' आव मोहन गंडिथ गुल्य  
 अरज करने  
 चे क्या ज़न कम गछी  
 यो'द थवखना ॥०॥ बु छुस ॥०॥



### भजन 37

दुरगे मे' दुरगत कास  
 मे' बास सन म्वख बवाऽनी

समया मे' छुम गोमुत  
 डेडि चानि तल बु प्योमुत  
 थो'द तुल तम रवाऽनी ॥०॥ मे' बास ॥०॥

बु वन हय क्या मे' गुदर्योम  
 बन्योमुत शरीर द्वदर्योम  
 कफ बात पित रटाऽनी ॥०॥ मे' बास ॥०॥

शास वुशास सोर्योम  
नर्यन जंगन मे' कोव गोम  
फ्रक हो'स छुस खमाऽनी ॥०॥

दो'ख सागरस मंज प्योस  
सुमरनि चानि निश गोस  
मे' दिम सुमरथ दवाऽनी ॥०॥ मे' बास ॥०॥

मे' गोम यच्च काल प्रारान  
बट्यन बेरन त छारान  
चु दिम शम दम बवाऽनी ॥०॥ मे' बास ॥०॥

गनेम्च छम चा'न्य कल  
करमव को'रमुत मे' छल  
करतु व्यन्य नजरि सा'नी ॥०॥ मे' बास ॥०॥

छैनिथ थकिथ बु प्योमुत  
अंग ह्यून छुस गोमुत  
गछुम दिथ स्यद वाऽनी ॥०॥ मे' बास ॥०॥

मीमस यलि मेलि वाव  
हे क्या नूनस छु बाव  
तुर्या छि अथ्य वनाऽनी ॥०॥ मे' बास ॥०॥





## भजन 38

बाल गोपाल लालो  
ख्वनि मंज करय हो हो

दिवकी निश जाख  
नन्द गोर्ग्युन गर. आख  
वसुदीव नि संसारो ॥०॥ ख्वनि मंज ॥०॥

जेल मंज ज़नम दोरुथ  
अजूबा नो'न होवुथ  
यलऽ गय बर द्वारो ॥०॥ ख्वनि मंज ॥०॥

वसदीव राजऽ ज़न वाव  
कलस प्यठ शुर ह्यथ द्राव  
जमुनाय लो'गुस तारो ॥०॥ ख्वनि मंज ॥०॥

युग मायायि बाख छऽट.  
डीडवान्यन न्यन्द्र हऽट.  
कमस. नि लार लारो ॥०॥ ख्वनि मंज ॥०॥

कऽदखानस मंज चाव  
कन्या ह्यथ वापस द्राव  
कनि प्यठ ठाऽसन हो ॥०॥ ख्वनि मंज ॥०॥

काल चोन वोत गूकल  
 क्याजि छुख करान वल छल  
 मल छलो कोल बलो ॥०॥ ख्वनि मंज ॥०॥

मोहनन यल्य वुछ यि हाल  
 यकदम बदलन चाल  
 त्रोवुन सर बर तलो ॥०॥ ख्वनि मंज ॥०॥

‘ इति शुभम’






Book Donated for  
ASHRAM LIBRARY





# अऽरचर



**Author: M. L. Razdan**

Available at:

- **M/S J. K. BOOK SHOP**  
Street No.-1A, Talab Tilloo, Jammu
- **M/S VIJYESHWAR DHARMIC PUSTAK BHANDAR**  
Camp Road, Talab Tilloo, Jammu
- **M/S VEER HOUSE**  
Sarwal, Jammu
- **M/S SANJAY ELECTRONICS**  
I. N. A. Market, New Delhi

Published By:  
**VAIKUNTH PUSHP PUBLICATIONS**  
53-B, Tirath Nagar, Talab Tilloo, Jammu

Printed By :  
**DURGA PRINTING PRESS**  
Old Janipur, Jammu, Ph.: 539863, 533456